


漢陰縣志



漢陰廳志卷之七上

通判錢鶴年重修


人物志 名德

山川之秀鍾毓人文斯地溯六朝至唐世家名閥  
代不絕書自時厥後志經濟者悉功崇業廣樂邱  
園者克訓俗型方遠變作荏苒義烈更著焉丕彰  
久道之化用徵好德之同志人物

名德

周丈人





龍岡下石臺有字剝缺不可辨

南齊

李方達

見後其孫遷哲傳

梁

李元真

見子遷哲傳

北周

李遷哲

李顯

周書本傳李遷哲字孝彥安康人也世爲山南豪族仕於江左祖方達齊末爲本州治中父元真仕



莊子天地篇子貢南遊於楚反於晉過漢陰見一  
丈人方爲圃畦鑿隧入井抱甕出灌搨搨然用力  
多而見功寡子貢曰有械於此日浸百畦用力寡  
而見功多夫子不欲乎爲圃者仰而視之曰奈何  
曰鑿木爲機後重前輕挈水若抽數如洗湯其名  
爲槔爲圃者忿然作色而笑曰吾聞之吾師有機  
械者必有機事有機事者必有機心機心存於中  
則純白不備純白不備則神不定神不定者道之  
所不載也吾非不知羞而不爲也今灌臺在城北



達奚武王雄等略地山南遷哲率所部拒戰軍敗  
遂降於武然猶意氣自若武乃執送京師太祖謂  
之曰何不早歸國家乃勞師旅今爲俘虜不亦愧  
乎答曰世荷梁恩未有報効又不能死節實以此  
爲愧耳太祖深嘉之即拜使持節車騎大將軍散  
騎常侍封沌陽伯魏恭帝初直州樂熾洋州田越  
金州黃國等連結爲亂太祖以遷哲信著山南乃  
令與賀若敦同往經畧熾等或降或獲尋並平蕩  
仍與敦南出狗地遷哲先至巴州入其郭梁巴州



梁歷東宮左衛率東梁衡二州刺史散騎常侍沱  
陽侯遷哲少修立有識度慷慨善謀畫起家文德  
主帥轉直閣將軍武賁中郎將及其父爲衡州留  
遷哲本鄉監統部曲時年二十撫馭羣下甚得其  
情大同二年除安康郡守三年加超武將軍太清  
二年移鎮魏興郡都督魏興上庸等八郡諸軍事  
襲爵沱陽侯邑一千五百戶四年遷信武將軍持  
節都督東梁洵興七州諸軍東梁州刺史及侯景  
篡逆諸王爭帝遷哲外禦邊寇自守而已太祖遣



州克之獲刺史冉助國等遷哲每率驍勇爲前鋒  
所向無不身先士卒凡下十八州拓地三千餘里  
時信州爲蠻酋向五子王等所陷宏遣遷哲赴援  
五子王等狼狽遁走遷哲入據白帝與賀若敦等  
共追五子王等破之田宏旋軍太祖令遷哲留鎮  
白帝信州先無倉儲軍糧匱乏遷哲乃收葛根造  
粉兼米給之亦自取供食時有異膳即分賜兵士  
有疾患者親加醫藥軍中感之人思效命黔陽蠻  
田烏慶田都唐等抄掠江中爲百姓患遷哲隨機



刺史牟安民惶懼請降其子宗徹等猶據琵琶城招喻不下攻而克之軍次鹿城城主遣使請降遷哲謂眾曰納降如受敵吾觀其使視瞻猶高得無詐也梁人果於道左設伏進軍破之遂屠其城自此降款相繼軍還太祖嘉之以所服紫袍玉帶及所乘馬賜之并賜奴婢三十口加授侍中驃騎大將軍開府儀同三司除直州刺史即本州也仍給軍儀鼓節令與田宏同討信州魏恭帝三年正月軍次并州梁并州刺史杜滿各望風送款進圍疊



警告急於襄州衛公直令遷哲往救遷哲率所部  
守江陵外城與陳將程文季交戰兵稍却乃親自  
陷陣手殺數人會江陵總管陸騰出助之陳人乃  
退陳人又因水漲壞寧朔堤引水灌城城中驚擾  
遷哲先塞北堤又率驍勇出擊之衆心稍定俄而  
敵入郭焚民舍遷哲自率騎出南門令步兵出北  
門首尾邀之陳人復敗多投水死者是夜又竊於  
城西堞以梯登者已數百人率驍勇捍之陳人復  
潰俄而大風乘間出兵擊之陳人大亂殺傷甚衆



出討殺獲甚多由是諸蠻畏威各送糧餼遣子弟入質者千餘家乃築城以處之并置四鎮以靖峽路自此寇抄頗息軍糧贍給世宗初授都督信臨等七州軍事信州刺史時蠻酋蒲微爲鄰州刺史舉兵反遷哲率兵七千進擊之拔其五城虜獲二千餘口進爵西城縣公武成元年朝於京師世宗甚禮之賜甲第一區及莊田保定中授平州刺史天和三年進位大將軍四年詔遷哲率金上等諸州兵鎮襄陽五年陳將章昭達攻逼江陵梁主蕭

李敬猷

敬猷遷哲第六子嗣爵統父兵起家大都督建德六年從燕王討稽胡有功進爵儀同大將軍入隋

位終台州刺史

合抄周書  
舊唐書

唐

李襲志

弟襲譽

子懷儼

舊唐書本傳李襲志字重光父敬猷隋台州刺史安康郡公襲志初仕隋歷始安郡丞大業末江外盜賊尤甚襲志散家產招募得三千人以守郡城



陸騰復破之於西堤陳人乃遁建德二年進爵安  
康縣公三年卒於襄州年六十四贈金州總管諡  
曰壯武遷舊累世雄豪爲鄉里所服性復華侈厚  
自奉養妾媵至百數男女六十九人緣漢千餘里  
間第宅相次姬人之有子者分處其中各有僮婢  
奄閭守之遷哲每鳴笳導從往來其間縱酒飲讌  
盡平生之樂子孫叅見或忘其年名者披簿審之  
弟顯位至上儀同大將軍

隋

而求生尉他愚鄙無識何足景慕於是欲斬勸者  
從眾議而止襲志固守經二年而無援卒爲蕭銑  
所陷銑署爲工部尚書檢校桂州總管武德初高  
祖遣其子元嗣齋書召之襲志乃密說嶺南首領  
隨永平郡守李光度與之歸國高祖又令間使齋  
書諭襲志曰卿昔久在桂州仍屬隋室運終四方  
圯絕率眾保境未知所統朕撫臨天下志在綏育  
眷彼幽遐恩沾聲教况卿朕之宗姓情異於常家  
弟姪並立誠效公又分遣首領申諭諸州情深奉



時蕭銳林士宏曹武徹等爭來攻擊襲志固守久之後聞宇文化及弑逆乃集士庶舉哀三日有郡人勸襲志曰公累葉冠族久臨鄙郡蠻夷畏威士女悅服雖曰隋臣實我之君長今江都篡逆四海鼎沸王號者非止一人公宜因此時據有嶺表則百越之人皆拱手向化追蹤尉他亦千載一遇也襲志厲聲曰吾世樹忠貞見危授命今雖江都陷沒而宗社猶存當與諸君戮力中原共雪讎恥豈可怙亂稱兵以圖不義吾寧蹈忠而死不爲逆節

時陰世師輔代王爲京師留守所在盜賊蜂起襲  
譽說世師遣兵據永豐倉發粟以賑窮乏出庫物  
賞戰士移檄郡縣同心討賊世師不能用乃求外  
出募山南士馬世師許之既至漢中會高祖定長  
安召授太府少卿封安康郡公仍令與兄襲志附  
籍於宗正太宗討王世充以襲譽爲潞州總管時  
突厥與國和親又通使於世充襲譽掩擊悉斬之  
因委令轉運以餽大軍後歷光祿卿蒲州刺史轉  
揚州大都督府長史爲江南道巡察大使多所黜



國甚副所望卿之子弟並據州縣俱展誠績每所  
嘉歎不能已已令並入屬籍著於宗正及蕭銑平  
江南道大使趙郡王孝恭擬襲志桂州總管武德  
五年入朝授柱國封始安郡公拜江州都督及輔  
公祐反又以襲志爲水軍總管討平之轉桂州都  
督襲志前後凡任桂州二十八載政尚清簡嶺外  
安之後表請入朝拜右光祿大夫行汾州刺史致  
仕卒於家襲志弟襲譽

襲譽字茂實少通敏有識度隋末爲冠軍府司兵

杖而殺之至是有司議當死制除名流於泉州無  
幾而卒撰五經妙言四十卷江東記三十卷忠孝  
圖二十卷兄子懷儼頗以文才著名歷蘭臺侍郎  
受制檢校寫四部書進內以書有汙左授郢州刺  
史後卒於禮部侍郎

明

溫訓

舊志訓少岐嶷性穎悟工文以嘉靖丙午舉人任  
山東萊州府推官陞四川成都同知繼補山西太



陟江都俗好商賈不事農桑襲譽乃引雷陂水又築勾城塘溉田八百餘頃百姓獲其利召拜太府卿襲譽性嚴整所在以威肅聞凡獲俸祿必散之宗親其餘資多寫書而已及從揚州罷職經史遂盈數車嘗謂子孫曰吾近京城有賜田十頃耕之可以充食河內有賜桑千樹蠶之可以充衣江東所寫之書讀之可以求官吾沒之後爾曹但能勤此三事亦何羨於人尋轉涼州都督加金紫光祿大夫行同州刺史坐在涼州陰憾焉耆縣丞劉武

視姪如子周卹宗族婚喪鄉里貧乏邑人公舉入  
祀鄉賢

王應泰

邑明經王位子小字觀音保聰慧力學成進士知  
寶坻縣以才幹聞調密雲能識拔寒微遷文選司  
員外郎典河南鄉試所取多名士歷仕稽勲司郎  
中以魏闔黨株連回籍時四方多故流賊出沒山  
南泰糾合鄉勇保障一邑崇正十年流賊夜襲城  
獲泰嚴守之有一婦人導之出賊不覺也疑大士



原同知先是有土豪善博博必以十金爲注有三  
原商與之博連勝之誘至家害之商子覓父不得  
而微聞其事苦無証會溫將赴成都任商子以同  
鄉中途陳訴以事涉渺茫因令從者僞作商與人  
博冀得踪跡一日正博有老者旁觀嘆息局終邀  
老者至寓請教老者曰爾爲商當務本業卽如某  
客入某家博不復出我所目覩者爾何必溺此耶  
從者卽歸告而博者已死拘其次子抵法焉事聞  
以才幹擢爲戶部員外歷任皆以廉能著聲居家

字若玕性至孝凡日用起居務求悅親處兄弟不  
私財物由選貢中北闡順治戊戌成進士淡於仕  
宦樂志田園與武進高寄同邑鄭聖時偁伴山水  
唱和詩文有集行世

許又將

字宋儒號六乙山人性和易多識前言往行喜以  
詩文發潛德乾隆乙未修志當事者每咨訪焉居  
鄉於貧窶樂解推市中見有賣鐵砂擊鳥獸者輒  
解囊贖之投於河狡者或淘出復償聞之亦弗較



之祐云興漢總兵任珍忌泰陰欲圖之會甘州副將張勇有事於興珍以兵送至漢陰勇知其謀密語泰曰任鎮將不利於公偕我至甘可無虞也泰以洪承疇輩皆出其門謂珍不敢及珍送張回縣留泰飲酒行署而陰誅與泰有隙者誣以聚眾謀逆據狀奏聞遂罹慘禍波及戚屬數十家冤哉後珍卒以妄殺遣戍

國朝

汪毓珍

王士鍵

典史以子承烈

溫文琇

訓導以子穎

吳紹聖

以子廷璧任訓導

許又衡

以子逢吉任訓導

溫剛

以子士超任教

王學誠

以子時中任訓導

劉林

以子鳴任訓導

鄧祥集

以子忠語任開州

鄧忠語

良任大名府開州判賦性

良居官清慎

授州判賦性

主



也已丑歲初行

挑典公車徵以老辭

恩賜

翰林院典簿

封贈廕襲

明

溫世雄

以子訓贈戶部員外郎

王位

以子應泰贈吏部稽勲司郎中

劉芳德

紫陽營遊擊以子崇贈懷遠將軍

劉成璧

芳德孫以父嵩死事初廕把總改廕恩騎尉

國朝

鄭康裔

于文選  
提躬淑慎  
兼善詩文

溫永昇

楊訊  
旌品高  
月旦

梁國彥

旌品堪  
憲乞

劉有鼎

張猷

梁璽

王應和

孟思賢

陳懋科

茹可魁  
壽九  
十六

李成龍

李人龍

楊毓元

孟養氣



曾秀章

以子其榮任巡檢贈登仕郎

蔡必曹

以子志濬捐縣丞贈修職郎

張譽周

以子彩急公授訓導贈修職佐郎

邱崧

以子通理捐訓導贈修職佐郎

鄉飲賓介

明

楊廷臣

解濟

常自省

幼好學萬歷時以白衣應試歸里課耕忠厚和平孝友睦姻壽九十三

陳光煥

溫以果

許又衡

李得祿

溫文琇

李攀林

吳廷璧

尹原吉

李燦

茹林棟

邱文選

王朝棟

郭維新

以上舊志  
實介未注

溫士超

嘉慶十六年冬鄉飲  
正賓旌學富品高

張子科

介賓

李緒庚

耆賓

馮友泰

沈祖鼎



解三榮

李自新

王施德

鄔燧

沈自通

夏鼎  
旌善人

張四配

劉甲聲

徐永泰

李興榮

尹樂舜

旌德膺九如

陳光榮

徐演恭

邱宗信

任之印

溫文珩

王吉相

劉宏周

流寓

張濬

唐書濬字禹川河間人鄉賦隨計不得志乃學鬼  
谷從橫之術欲以捍闔取貴仕自處士薦爲太常  
博士累轉度支員外郎黃巢將逼京濬託疾請告  
奉其母避於商州僖宗幸蜀途無供須衛士乏食  
漢陰令李康獻餽餌數百騾綱上召問卿安得及  
此對曰此張濬教臣也上異之召至行在拜兵部  
按新舊唐書皆云濬河間人舊志入之鄉賢失



耆壽

張永希

許從頤

黃應魁

程文謨

廖華茂

皆乾隆四十五年恩賜粟帛

鮑登五

乾隆五十五年恩賜粟帛

許逢時

王 迺

楊世盛

楊世錦

皆嘉慶元年恩賜粟帛

唐元慧

楊時臻

陳良林

劉珍連

吳萬朝

劉玉璞

林國璋

陳繩湯

天性孝友好善樂施

郭自勉

余世傳

方元長

白廷瑗

皆十四年恩賜粟帛

柳志孝

年九十二卒親見七代五世同堂署通判張因查係甲訪得詳藝文

悟真篇即其遺書也正德八年分此地爲紫陽縣  
今有遺址石臺高丈餘四面平坦五六尺許上有  
團瓢跡羽士鍾太鸞募工開鑿

黃龍機禪師

傳燈錄黃龍機於擂鼓臺說法純陽子呂岩聽之  
師知其仙也詰曰坐下何人曰雲水道人師曰雲  
盡水乾時如何洞賓不能答師復曰黃龍出現洞  
賓畱詩云棄却瓢囊碎却琴如今不戀汞中金自  
從一見黃龍後始悔從前錯用心



考以教李尹入之流寓

中官

梁禹琪

蒲溪鋪人以天闥貢入京康熙時官司禮監爲人

恂謹歿後賜葬皇陵側

仙釋

張伯端

舊志伯端字平叔號紫陽道人修真於漢江南甕  
兒山懶雲岩下名曰紫陽洞面壁數年後飛昇去

聲將曉有微雨後悉如其言方人築塋葬之表曰

赤脚禪師

忠義

明

藍盛

輕財好施正德四年大祲捐粟百石煮粥救饑邑  
令丁公嘉其義延爲鄉賓壽九十九卒

郭濟

業農好善萬歷十一年延安饑民流入漢道路相



雲門偃禪師

師叅禪於雲門山寺作有北邙行一篇焦弱侯收入類林中

寂蓮

蓮華寺僧也童年悟禪冬夏赤腳遊無晝夜卧無藩籬闢荒自食不喜持鉢康熙二十五年自取柴積高丈八約其徒云於次年二月二日滅跡至期趺坐積上導火自焚觀者於烈燄中見有五色光芒時年四十五歲先時語徒云吾化後夜半有鼓

吳自強

邑庠生守義甘貧曾於夜途拾金十兩秘不語人  
次日有稅頭徐登第因失金自縊爲人解救強聞  
即以金還之本縣李公申請旌曰尚義

溫以良

家貧守義於原公祠隙地拾一遺囊出候失者少  
頃其人至惶駭莫覓良欣然還之開囊乃金一兩  
銀五兩願分半以謝良不受鄉里高其行公舉義  
民



望濟白於令捐穀百五十石賑之并作粥食領穀者復以二十石助郡賑事聞上臺給冠帶獎之

李棟材

性好施與邑東紅崖礪水泛病涉材捐資造橋漢中太守項公題曰善人橋爲作記勒碑表門曰鄉善士

侯進孝

素輕財好義施棺助葬輸粟賑饑建東西橋梁萬歷間捐金助修縣志本縣申請冠帶旌獎

株科稅二十金僧無所出謀以辦稅國彥是  
夜夢兄弟四人皆衣青繞榻乞速救旦日遊東郭  
見柏下執斧叢集將伐之恍憶所夢問故僧以顛  
末告止之曰予願捐金留柏歸賣宅三間代之納  
柏因以留後舉鄉賓

廖朝義

子世祿

庠生居雲門鋪嘉慶二年五月賊匪張漢朝至恒  
口朝義率其子世祿捐糧團勇於洞河口防禦及  
賊至朝義父子持矛率勇拒戰力盡被縛脅之從



汪顯宗

好善樂施每隆冬作綿襖行經以衣孤貧

國朝

尹樂舜

謹慎居心義方訓子遇有婚喪及貧士鄉試輒助之酬否不計也年踰七旬舉鄉賓邑侯湯表曰齒德咸尊當事屢加旌獎

梁國彥

康熙五年爲增墾升科縣東北隅寺內有古柏四

母賊從之脅二人至營夜半賊皆卧乃探火藥籠突然之賊大驚自相殘殺及燒斃者無算開科等亦被焚死

禁結友

蒲溪舖人五年五月聞賊匪張漢朝至結友負母將奔避山寨行至田禾溝突遇賊執令引路友曰母老難捨若放母入寨即從爾賊從之望母已入寨即停立大罵賊怒割其耳罵益厲遂被殺

徐家文



皆厲聲憤罵賊怒剖其心備極慘毒而死

韓有榮王元茂劉煥廷

膏高梁鋪人五年閏四月聞賊至謀曰賊來必經  
埡口此路窄陡可據險擊之因集勇以俟賊果至  
榮等鎗斃數十人賊至益多眾寡不敵呼眾先散  
三人力鬪而死

趙國寶羅開科

皆東鄉人五年閏四月賊匪阮正統至寶等奉其  
父母將入城避之至白蠟樹遇賊被脅求縱其父

楊朝佐

廳吏也居青泥河母周氏佐性孝友與從弟朝柱同居身在城應役而弟與弟婦丁奉母五年正月聞賊至朝柱適他出朝佐急奔歸負母偕家人避之甫出門突與賊遇逼其隨從答以有母在賊即舉矛刺其母朝佐以身擋護且奪矛哭罵賊怒攢矛刺朝佐死母卒以擋護傷輕賊去隣寨人張大成周兩富趨救之周氏復甦其弟婦丁別見列女傳

蒲溪舖人五年五月同劉友充義勇至雙樹廠探  
賊遇張漢朝賊黨僞爲官兵使二人導之上寨買  
糧初信之旣而知其僞私謂友曰此賊也我輩中  
其計矣若導入寨爲禍不小我寧捐生以全寨耳  
即飛奔謂寨上人曰此賊也不可妄開寨門賊馳  
騎追殺之劉友滾崖得脫

舒達才舒士興黃盛明

北鄉雙河口人三年三月避賊爲張漢朝所獲脅  
從皆不屈被害事詳烈婦舒許氏傳中



言不屈被殺賊欲污張氏氏哭曰夫既死不從汝  
焉依但兒子在前覲顏苟合有死不能也如欲妻  
吾必使子去賊縱文達獨攜張氏行三十里宿又  
欲犯之張大罵曰夫死子去吾無牽挂矣寧從吾  
夫地下耳忍與汝狗彘偶哉賊怒殺之時被擄有  
丁忠義吳發親見其事脫歸備述其狀

按訪冊列張氏於節烈而致言附見夫張氏能婉  
辭脫子智矣憤罵捐軀烈矣但致言先以不屈死  
豈非所謂夫妻同死節義成雙者乎陰雖有美弗

黃正南柯勝龍張啟英

皆南鄉猪頭山人正南素有胆智以貨藥爲業五  
年五月賊齊王氏竄入境正南與其鄰人柯勝龍  
張啟英等謀曰賊來必索米爲炊若以砒入米可  
毒斃也眾如其計既而賊至爭食之正南等復淘  
米繼炊會先食者藥發賊知中計遂殺三人

李致言

堰坪人家貧採薪易米爲生五年十二月與妻張  
氏攜其十三歲兒文達避賊適與賊遇脅之從致

口罵詈而死惟高寬灼不致命逾七日始死猶能  
言其故云

喬鉉禮唐雲山余國相

鉉禮雲門舖監生其地素饒畜聚六年五月聞賊  
近與鄰人唐雲山余國相議曰賊所欲在糧盍窖  
藏之無爲盜齎也眾從之及賊至三人適被擄果  
拷問窖糧所在繼澆以沸湯卒不告賊怒并殺之  
舖民得藉窖粟無餒

右自廖朝義以下共忠烈士民二十五人嘉慶十



敢成也茲仍以致言列傳而張氏特書姓氏於列女

吳蘭馨王學周高寬高朗雷宗盛

蘭馨庠生居堰平與其友王學周素知大義爲鄉里所重五年十二月賊竄南路之漩窩二人毅然欲往勸降以保桑梓村民高寬高朗雷宗盛亦欣然願同往既至爲賊陳說大義並喻以利害禍福誘以歸降免死之條情辭愷切賊中有首肯者賊首惡其搖動黨與以繩縛蘭馨等積薪焚之乃極

蒲長貴黃永泰

嘉慶八年剿賊陣亡

文生廖朝義文童廖世祿

事詳上

監生張漢武生郝成玉鄉勇李國棟溫義山唐儒業  
唐次業黃萬昌沈忠祥黃福起高升李升盛黃如松  
劉瞿官李上文彭立山鄒興國熊依鄺安福陳殿才  
李明友以上生監鄉勇二十二名於

嘉慶二年在蒲澗二鋪禦賊陣亡

武童李英鷺

五年通判錢鶴年查明實蹟作傳牒府轉詳撫憲  
董名教增給碧血如新匾額即於是年捐廉建坊  
東郊通衢備列姓名各設位入昭忠祠

嘉慶八年奉

上諭附祀興安府昭忠祠生監兵勇

紫陽營兵戴杰

嘉慶四年隨趙都司在石泉縣金虎垭陣亡

楊炳智

嘉慶四年隨漢中協在鳳縣塘桑陣亡



栗莫畧陳明顯以上鄉勇八名於

嘉慶二年在豬頭山堵禦陣亡

寨長王朝南李克周寨勇譚道昌何克義陶能載胡  
正國楊龍張倫早戚廣元戚廣榮劉傳倉朱榮祿何  
海仁沈宗鳳余鳳曹興趙龍沈朝富文滄海徐克遂  
文其貞夏成友王世友李志遠文世忠以上二十五  
名於

嘉慶五年正月賊犯清寧寨堵禦陣亡

軍功杜元斗

嘉慶二年帶勇剿賊紫陽洞汝二河後於光頭山

陣亡

武童白滋春

嘉慶五年於平利獅子垵奮勇殺賊陣亡

鄉勇馮金伸王崇德劉克緒徐風姿許應章查勝南  
胡章義王崇會方從高陳在文劉煥彩何元賓盧輝  
賢盧友萬張定龍舒子貫以上鄉勇十六名皆於

嘉慶二年青泥河防禦陣亡

鄉勇袁大鵬馮成德劉光舉劉相成鄭天銀王士名

十八名於

嘉慶五年正月在北鄉萬福寨於護軍糧禦賊陣  
亡

壯丁彭曰義王大明陳景華陳炳揚李賢富徐家文  
以上壯丁六名於

嘉慶六年五月在鐵鑪堤追賊陣亡

鄉勇李進元朱貴

於甘肅王家河陣亡

鄉勇張友



五年三月賊破青山寨力戰不屈死之

鄉勇鄧宏義陳貴戴爾連張明魁胡林黃東勝易相  
松李世俊郭坤蕭正萬朱光揚楊貴周龍山廖世興  
袁志王正益郭元康自逢楊榮祿劉永貴傅長青徐  
貴以上鄉勇二十二名於

嘉慶四年在平利縣剿賊陣亡於清水河

壯丁段忠廷段忠國喻永明喻永遠王正元王辛喜  
黃世成黃世才鄒金山鄒定富鄒定貴李宗德李景  
仲何海相何望邦洪朝選張廷彥劉彥芳以上壯丁

二人叔姪也居廳之沙河嘉慶三年二月間賊匪至遠謨與姪興即設險率鄉勇堵禦卒以眾寡不敵被縛賊百方勸降厲罵不屈皆被害

廩生軍功給訓導銜吳型典澗池舖人嘉慶元年與議叙訓導張彩同領鄉勇赴紫陽之米溪及五朶營攻克賊巢蒙制府宜撫軍秦賞給訓導職銜二年復領勇隨軍於洵陽一帶剿賊突聞其母卒於家即涕泣陳情欲委事於其副而已身奔喪領兵者諭以金革無辟墨衰從戎禮有明文不許雖敵

於上津堡陣亡

鄉勇滕相劉明山

在太平花椒園被害

右五人死無年月校續府志補

溫席

庠生性喜利人濟物席田與人同堰嘉慶十八年  
旱乃平地掘池自灌而讓堰與鄰通判錢旌曰義  
讓可風知府葉旌曰睦鄰分潤今現年八十

庠生王遠謨武生王興



漢陰廳志卷之八

通判錢鶴年重修

人物志下 孝友 列女

唐

李孝儒

舊志孝儒安康人性至孝讀書見有言孝者輒流涕唐高宗知其名召見封爲遂寧郡公孝儒辭歸養親不欲以富貴移所愛時人重之但稱之曰孝儒遂佚其名

干修戈不敢怠荒而鬱鬱成疾以至於死古人云  
忠孝不兩全亦可哀已

右四人錄訪冊

宋之收羅猶有遺珠此秦人不死驗符生之厚誣  
蜀老猶存知葛亮之多枉劉知幾所以長歎也

明

黨汝孝

隨父進朝刈麥父被虎搏奮力奪免虎猶蹲視大  
吼將復搏汝孝礫石擊之虎驚去負父歸療之三  
月始愈邑人胡伯墳曰汝孝可謂不負其名矣書  
虎口全父贈之

劉夢龍



按劉煦舊唐書孝友傳凡二十七人歐陽修新唐書孝友有專傳者自趙州李知本以下凡三十五人以名見者自萬年王世貴長安嚴待封凡二百二十二人備書郡邑可謂詳矣而安康獨闕焉且唐旌孝友皆旌表門閭頒賜粟帛使州縣歲時存問復其租賦其見於史所紀遣使就弔拜員外散騎常侍高祖時惟有蒲州安邑張志寬史且備書於冊孝儒封爲郡公豈史佚之而故老猶能傳之耶緬其流風固足以叙彝倫而宏錫類矣顧以歐

橋三處以延親壽及念遠修橋以濟人漢中  
太守項同知李深嘉之爲題橋曰保親獎以詩歌  
勒碑茶園溝口

葛希旦

崇正十年流賊陷城於焚掠中負母逃免

汪毓瑾

崇正丁丑城陷負母逃免

國朝

溫士超

字冠夫號鶴亭以乾隆乙酉選貢肄業太學考授

性純孝父珍病龍待疾寢不解衣躬嘗湯藥父卒  
哀毀踰禮既葬廬墓三年寒暑無間事聞上憲給  
匾旌之

任道克

事親克孝清議推重邑侯李申請旌表曰齒德兼  
隆

楊登

蒲溪舖人有孝行二親疾禱於泰山神曰願修石  
橋三處以延親壽及愈遂罄資修橋以濟人漢中



邱 崧

庠生字翠峰六歲而母茹卒崧事祖母及父文選  
卽以孝聞越二年父繼娶韓氏甫入門崧卽依依  
邴下韓亦善撫之旣就傳母常蓄甘脆餌之而督  
學甚嚴崧於定省之餘力自淬厲遂得著籍博士  
弟子員旣而父以文學舉介賓年七十餘卒崧哀  
毀踰禮水漿不入口者三日旣葬奉繼母愈謹事  
必稟而後行侍膳問安寒暄在視五十年如一日  
鄉鄰咸稱之母年八十嘗患胃痛發輒經月展轉

教習訓官生侃侃有師道既報滿以教職需次吏部時其叔穎令山東德平因過省之見其簿書旁午非其好也不踰月即歸旣而授甘肅皋蘭教諭無何逆獬叛與當事晝夜守城城賴以全事平大府擬上其功力辭之已而以外艱歸叔穎挂吏議徵官欠割畝助之遂至無恒產十餘年補岐山教諭其從弟姿超復歿於山東因竭俸儲使子迎其柩并諸侄歸其篤於族黨蓋天性然也以品行特延爲鄉飲大賓素工書得之者皆藏弄之

疾爲之摩摩聞人云疾已篤矣夜禱神模刻刀割  
股肉付幼媳調羹以奉祖母服之卽愈問之養媳  
以實對其祖母慟哭爲撫摩聞者莫不驚歎割痕  
竟不待醫療自平復通判錢以天性孝成旌之

劉天縉

安里四甲民胞兄弟九人家素貧與弟天統天卓  
力田養親漸至粗給所置產與諸弟均分三人不  
自私也縉自以身爲家督力爲諸弟營婚配遂終  
身不要統亦後弟晚娶年已八十尚未知裘帛煖  
也門中食指將盈千賴以得所三人之力其弟天



床席時崧亦年踰七十躬嘗湯藥衣不解帶疾止始復常及母以壽終身親苦塊作孺子泣有以七十不毀勸者其哀愈甚生平篤於故舊有任卹之誼嘉慶二十一年通判錢鶴年以孝行詳請建坊旌表

于續

十四歲童也幼瞽其祖母王爲養一媳甫十一齡亦王姓嘉慶丙子十月其祖母患怔忡續日夜侍疾爲之摩挲聞人云疾已篤矣夜禱神摸廚刀割

瑄皆以樂善好施蒙 上憲旌獎蓋率其任卹之  
教也

夏尚趣

字會經號對廬天性耿直事親極其愛敬菽水承  
歡無違朝夕上有四兄分多潤少相對怡怡事之  
數十年如一日雅嗜詩書至老不倦爲文細潤清  
華恪守先正乃屢試冠軍數奇不遇遂屏跡雙乳  
山中嘯歌自適不以利祿縈懷人亦未嘗以仕進  
勸駕嘉慶十三年舉行鄉飲酒禮通判錢鶴年廉

緒天經天全天開天合天輝亦羣相愛敬通判錢  
旌曰孝友可風

陳 詔

恩貢生陳帝謨之子幼嗣其叔廩生帝德賦性孝  
友好學不倦入學食餼歲貢成均父早逝本生父  
亦繼亡居喪盡禮祖與祖母在堂竭力承歡俱享  
大年於繼母生母色養備至督率二弟皆列庠序  
治家勤儉教子弟以禮法羣從入學食餼者數人  
家貲既豐分析財產不計贏縮子九鶴九經孫瑛



邱通理

字中黃號南屏性孝友樂施予積學能文年十九  
補博士弟子員屢試輒優等己酉科房薦舉優三  
次年近五十甫食餼遂遵例就司訓請 貤封建  
棹楔平居莊敬自持不趨闌市家多藏書雅嗜涉  
獵博見殫聞善畫工詩曾羅散軼不特制藝之雄  
焉其讀陝省通志凡有關於漢陰事蹟必飛籤標  
識蓋理素有修志之心畱意桑梓也失怙後哀毀  
之餘著廬次口述二冊溯宗派貽後昆語語出至

得其行以禮徵之再拜婉辭不就隨以素履撫謙  
旌之其治家整肅處事精詳隱德蓋可風也卒年  
七十二歲

劉景簾

雲門舖人少孤力穡事母侍母疾躬嘗湯藥衣不  
解帶者五十餘晝夜母疾獲痊家漸小康積而能  
散賙濟戚族饑寒曲全里黨善事年踰八旬親見  
五世每以義行訓子子陞奉命不違其善事見橋  
渡平糶門

母卿氏壽九十有四大智竭情事之頗有老萊之  
風子二孫六曾孫十二元孫二親見五世一堂壽  
八十五歲



性處兄弟以愛敬財產不自私家雖小康積而能  
散教匪滋擾難民率多凍餒理視遠近暗給川貲  
復以疫癘盛行置施棺木捐書院田建折桂橋修  
東嶽廟施綿衣米粥周通緩急洽比親鄰教子姪  
以禮法處家以嚴肅太守葉公旌曰詩禮傳家巡  
道余公旌曰好善克施及卒子頗克紹家聲疊膺  
憲獎

劉大智

幼失怙性純孝力田事母老而不倦年逾古稀其

列女

明

黃氏

陳必琦妻嘉靖時琦病篤黃誓以身殉及琦歿氏  
治棺營葬囑穿阱者爲二穴旣葬散家財於族人  
閉戶絕粒十二日而死鄉里驚悼因相爲葬於所  
治之穴至萬歷時巡按沈奏聞建貞烈坊

常氏

溫閨妻閨家素貧與鄰謝姓同院居正德末謝差

卷之六



大魏鳳儀卒氏年二十六遺孤未晬甘貧苦節三十餘載旌曰貞節

白氏

夫溫以恭卒氏年二十三苦節奉姑極得歡心育子承業三十餘年

王氏

生員曾武妻武卒氏年二十四撫孤成立壽三十餘

陳氏

科無出債產得廿金被酒遺金後園氏往拾得詰  
朝謝酒醒覓金不知處忿欲自縊氏急取還之封  
識如故謝感之因媒合至戚之女妻其子世雄生  
子訓任部郎人以爲常之報也章邱李太常爲作  
還金傳

楊氏

夫任礪卒氏年二十六遺子道行甫三月茹哀抱  
飢育孤游泮孀居四十餘年旌曰振古名節

溫氏

十餘年

吳氏

監生藍正元妻元卒氏年二十四姑老家貧子方  
繼祿竭力事姑糟糠自甘教子旄成名當事旌曰  
孟母遺貞

駱氏

廩生解鶴妻年二十三歲而寡姑老家貧子三秦  
方在繼祿氏艱辛事姑甘旨無缺恩勤教子誦讀  
成名院道旌表



廩生張世華妻華卒氏年二十七廿貧守節教子成名

王氏

夫劉仕官卒守節四十餘年

白氏

生員王一鳳妻年二十四守節孝舅姑撫孤子苦節四十年

王氏

生員閔進孝妻二十五歲矢志勵節甘貧撫孤四

密縫周身縊於柩旁本縣詳申撫批志烈殉夫身  
能死節實秉乾坤淑氣永流漢沔芳聲按批雞鳴  
助警鸞鏡偶分泉石可隨心已堅於同穴貌孤有  
託志遂決於投環珠沈轉見其光綸褒庶傳其烈  
萬歷時勅建貞烈坊

陳氏

監生藍敏妻夫卒氏年二十四守節教子三十餘  
年四子皆入邑庠族黨推重本縣詳申旌曰節凜  
冰霜

駱氏

夫孟學顏卒氏二十七歲苦志守節本縣給匾旌之

陳氏

夫藍習卒氏紡織苦節訓子入庠詳請旌曰完節可風

王氏

儒童胡文煒妻夫卒氏年二十泣血不食母嫂勸慰志卒不變百日致奠盡哀成禮明晨服始嫁衣



貢生茹上珍妻珍卒遺子鉞方七歲氏苦節教子  
成名院道旌曰茹藥丁丑城陷賊拉媳氏挽之不  
得自刎死

蔡氏

義民陳光耀妻幼年苦節教子國典成名旌曰矢  
志柏舟

王氏

經歷陳光啓妾少而有色丁丑城陷恐被辱自刎  
死

李氏

義官劉大論妻夫卒氏年二十七貧甘藜藿志勵  
冰霜苦節四十餘年本縣詳申旌獎

趙氏

義民藍燭妻矢志守節教子有方旌曰節侔金石

高氏

生員任宗尹妻堅志苦節和熊勵子旌曰雁婦

麟

嗣

尹氏

年本縣旌曰冰節而相  
趙氏

廩生溫永馨妻夫卒子建春方五歲氏立志撫孤  
有欲乘亂相通者卒不敢犯僮僕田舍皆賴保全  
及子成名旌曰柏舟比節

張氏

大曾述志故氏年二十教子業儒本縣旌曰冰節  
可風

胡氏

廩生陳國典妻年二十九而寡子鑒方十歲氏守



郭氏

廩生楊天培妻城陷罵賊被殺於東門外

鄭氏

王道直妻城陷抱女投井死

國朝

鄭氏

生員藍旄妻夫與妻城陷被害氏負嫡遺孤名立  
逃出流離萬狀撫若已出教之成名苦節四十餘

年本縣旌曰冰節霜操

夫曾法乾卒氏年二十親老家貧遺腹生子守節

孝親撫孤成名題請建坊  
旌表

劉氏

庠生尹原燁妻夫卒氏年二十八孝養舅姑撫子  
成名題請旌曰清標彤管

吳氏

增生常敏妻夫卒氏年二十一孝事舅姑撫子定  
邦入庠

吳氏

生員于爾琿妻夫卒氏年二十四歲矢志立節教

節教子得入邑庠旌曰普志靡他

溫氏

業儒郭祚遠妻遠卒無子撫姪守節旌曰貞操可風

汪氏

夫夏之相卒氏年二十五公姑伯母養生送死賴以周備

李氏

夫曾法乾卒氏年二十親老家貧遺腹生子守節



夫胡氏年二十一卒勤紡績育子鳳起入庠  
苦節五十餘年壽踰七十邑訓導旌曰節堅撫孤

鄭氏

儒童胡玠之妻貢生鄭履和之女也入門時翁與  
繼姑謝在堂前姑何有母王氏孀且瞽亦養於胡  
家氏孝養皆能得其歡心越一年翁姑俱卒無何  
夫亦卒氏年二十遺子未晬姑謝有女僅六歲氏  
立志敬養何王氏并撫姑女教育孤子永年入庠  
食餼歲貢苦節五十年邑訓導邱旌曰陶範歐蹤  
孔旌曰操並霜筠通判高詳請建坊旌表

子鵬昧入學食餼以歲貢任狄道州訓導氏卒八十有六訓導旌曰巾幗完人嘉慶十三年通判錢請旌建坊

鄭氏

夫曾愷卒氏年二十一親老子幼氏養生送死教子如璋入泮苦節四十餘年邑訓導旌曰熊丸繼美

劉氏

夫胡鑑卒氏年二十一辛勤紡績育子鳳起入庠

隨侍於任適姑患腫疾氏奉湯藥晨夕不懈逾年  
翁致仕歸未幾翁姑繼逝越三月鼎亦以哀毀卒  
時氏年二十七舍辜茹荼教育四歲之孤月仙得  
係籍博士弟子員苦節四十八年享壽七十五歲  
通判錢詳請建坊

唐氏

儒童黃忠相之妻生子盛舉甫六月忠相卒氏年  
二十五舅姑皆踰七旬伯翁姑且八十餘家徒壁  
立氏當此荼苦矢志守節紡績成家於四老生養



馬氏

夫賈賁卒氏年二十零丁孤苦奉養舅姑苦節四十餘年通判史詳請建坊

張氏

儒童李永盛之妻夫卒氏年二十八孝事翁姑存歿備禮教育嗣子誦讀成名茹藥懷冰踰四十年通判錢詳請建坊

沈氏

庠生敬鼎之妻翁宏德以歲貢任淳化縣訓導鼎

何姑歿前室子繼亡送老葬塋哀禮公舉去並公人訓無  
子以戍新疆歸迎養於家及卒送死備禮鄉人咸  
歎爲無子猶有子也及舅自淳化歸壽八十六邁  
疾經年多方調護手製衣衾送終無缺菊亦力率  
母訓不墜儒風氏卒年六十九苦節五十年如一  
日云

朱氏

廩生楊時生之妻夫卒遺子賢僅十齡家赤貧辛  
苦鬻孤里黨有憫而周之者隔簾辭曰未亡人侍  
十指母子可粗濟後勿復煩也其厲志如此

死葬情禮兼得子亦遵例成均苦節四十餘年鄉里咸稱孝婦通判錢詳請建坊

陳氏

廩生敬豫之繼室故兵陳訓之女也夫卒氏年十八前室喬遺子未覲所生子友菊甫八月氏銜恤茹荼養老字孤瓶無宿糧日以紡績供甘旨而自與二子食麥麩姑見而泣舅聞之亦爲垂涕及舅赴淳化訓導任姑病在家扶持滌濯躬親其勞無何姑歿前室子繼亡送老葬殤哀禮兼盡父訓無



節延齡子亦力盡色養因母六十後目忽瞽衣履  
飲食寒暄時視則踰躬滌癸酉選士學使已心貽  
之竟以無後場罷蓋恐以 廷試違晨昏也觀其  
子愈知其母之賢云

杜氏

沈孝德妻夫卒氏年二十三孤方三歲氏孝孀姑  
劬弱子辛勤備至子祖修克承母訓以庠生食餼  
恩貢禮部其苦節事在雍正初

李氏

儒童茹前基妻夫卒氏年二十三家素貧身勤紡

楊氏

儒童藍紫璉之妻夫家故不豐而能養姑盡孝贊  
夫績學至典衣償釵度日終不以家計累夫子無  
何夫以積勞卒氏年二十三遺孤田玉方五月號泣  
誓以身殉戚屬勸解莫能奪其父庠生廷柱扶病  
往諭以殉節不如孝慈始含涕從命迨營葬而家  
益困氏鍼黹養姑必以甘旨侍疾送終曲盡孝誠  
資子從師日省功課入學食餼訓導李旌之曰勁  
節延齡子亦力盡色養因母六十後目忽瞽衣服

四孫心力殫盡現年七十有三孫曾繞膝皆課循  
不倦也通判錢詳請建坊

韓氏

鄉飲介賓邱文選之繼室也入門時翁姑在堂夫  
之二妹在室前室茹遺子崧甫八歲氏力操井臼  
奉事二親織紵縫裳資二妹嫁於前室一子三女  
勤劬不啻所生勉崧學問得列膠庠飴含四世壽  
逾八旬皆以爲孝慈之報云嘉慶二十一年通判  
錢詳請建坊旌表



績養姑教子姑老且病氏亦患瘵猶晨夜親奉湯藥姑止之卒不怠姑壽終氏竭力營葬甫四十三歲以積勞卒

陳氏

儒童劉焯妻夫以攻苦積勞卒氏年二十三翁姑老矣遺孤四歲氏痛不欲生有以養老字幼力勸者因強爲視息聞三月遺腹生次子氏有無貎勉奉翁姑以天年終爲二子娶婦無何長子卒遺二孫旣而次子與妻相繼卒亦遺二孫氏撫一寡媳與

亦先後游泮太常博士劉題曰柏節松齡邑訓導  
邱題曰懷貞履潔以旌之

王氏

儒童張九鵬之妻夫卒氏年二十有四子士茂尚  
未齠家復窶氏艱辛捃撫爲娶妻生子無何士茂  
又卒弱孫景山茆茆相依及壯以從戎列武弁訓  
導雷題以冰心鶴筭駐防把總任題以期頤壽母  
卒時年九十六

沈氏

岳氏

庠生茹興基妻入門時孀姑先以貞操著氏觀型肅志孝親相夫固不有儀無何夫卒氏年二十四子僅垂髫辛勤教育雖以貧廢讀恂恂有儒風焉氏現年七十四

于氏

庠生溫普妻歸普時年十六越十二年而普卒氏觸棺流血誓以身殉親族以孝翁鞠子大義責勸勉強抑割奉舅教子翁八十七歲以天年終二子



沈祖能妻夫平時氏年二十二適之夫貧子弱  
氏挑菜拾薪紡績以育猶不免飢凍而族人與嫂  
謀奪氏志卽剪髮誓死族黨義之資粟助錢其困  
稍紓及子長教之力田各能成立通判錢旌以柏  
節松齡

朱氏

胡信瑗妻夫卒時長子方五齡卒之十八日而遺  
腹次子生氏號泣欲以身殉者屢矣族之長者責  
以撫孤遂飲泣吞聲以紡績鞠子長子長治已游

業儒曾偉之妻夫卒氏年二十三遺子捷科方四  
齡家無擔石氏竭力摒擋艱難萬狀子既長無力  
資學隄力田以養不數年氏已逝通判錢旌曰貞  
操永垂

曾氏

廖孟亨妻夫卒氏年二十子必發生方五月氏躬  
紡織操井臼育子成人今且抱孫家亦小康孫如  
岡以從九需次吏部通判錢旌以全貞壽永

羅氏

極辛勤子既長爲娶潘氏子復以刻意誦讀邁疾  
逝闌兩月遺腹生孫世錦姑媳兩寡相依苦節撫  
孫羅今六十三歲潘四十三歲通判錢旌以一門  
雙節

成氏

儒童李葆醇妻夫卒氏年二十三子端五歲姑在  
堂氏殫力營葬養老字孤鉞甫資子學姑歿葬後  
家貧乃使子棄讀而耕苦節四十六年今六十九  
歲



泮次子亦應童試

何氏

庠卅廊朝經妻夫卒子廷瑞方四齡翁姥在堂氏  
營吉奉親含藥教子既而家漸小康子既通籍成  
均孫五人敬亦名列武庠曾孫十八元孫五迎判  
錢旌以五世同堂

羅氏

趙宗尚之妻潘氏其子婦也宗尚卒氏年十八卒  
後四月遺腹生子祖華氏上奉翁姑下撫呱子備

生子詠紡績鍼黹以育子苦節四十八年今七十歲

許氏

故歲貢生常立剛次子則寬之妻也立剛卒繼室路氏於嘉慶丙子秋遘疾服藥罔效越數月愈篤醫告技窮十一月朔旦氏禱神割股進姑服之果愈通判錢以敬事姑嫜旌之

張氏

張隆勲之妻夫卒時氏年十九子雄生甫三月氏

曹氏

劉文秀妻夫卒氏年二十二家貧姑老身又無出  
氏枕尸長號誓欲同死姑曰婦輕生忍令我無依  
吾子不祀乎乃飲泣強治喪立堂侄漢統爲嗣紡  
績針指養姑育子俾姑得終養夫不乏祀皆氏苦  
節所致也

茹氏

儒童張錚妻夫卒氏年二十四遺腹未生痛欲身  
殉諸娣姒喻以死易存祧難始含哀治喪闋六月



江西人遷居堰坪黃龍洞其姑王於嘉慶丙子夏

患腰疽醫莫能治氏於七月五日祝神割左股肉  
和雞子湯進姑食之而愈通判錢旌以克盡婦職  
曾氏

雲門舖民劉鵬山之妻生員元超之母也性勤儉  
慈祥婦職母儀無不克備撫一子教訓特嚴故元  
超得列增廣生員本以相夫力田致小康獨積而  
能散矧卹鄰里貧乏無吝色常以是訓其子故元  
超於嘉慶癸酉薦饑之歲平糶施衣得蒙樂善好  
施之旌皆母氏之遺教也孫四皆入庠其次以

慟不欲生姑泣勸以養老恤孤氏勉從之而田園  
典質已空氏焦勞績紡拮据撫營積數年皆復現年  
六十八

黃吳氏

堰坪東溝河人家貧能孝翁姑嘉慶丙子閏六月  
姑患喉閉噤不容滴氏叩天祈祐割左股肉爲湯  
奉姑即下咽通判錢旌曰盡孝完貞

曾羅氏

江西人遷居堰坪黃龍洞其姑王於嘉慶丙子夏

二人風中燭也。系且。無乃缺乎氏乃飲泣營喪事而家故貧。獨紡績綿  
縷三數斤并與質翁姑老具始克歲事既葬而家  
愈窘年復荒氏採薪拊茶貨之得數十鍰爲麵食  
奉翁姑而以餘錢買麩粃與子同食翁姑賴之幾  
忘喪子之戚及卒稱家有無儉而中禮德長能負  
薪作苦之餘母以紡績課夜讀得入庠爲增生養  
老育孤三十餘年艱辛備歷

劉氏

廩生陳帝德之妻夫卒時氏年二十有五翁姑在



恩貢就州判籍吏部其四亦食餼曾孫十爲博士  
弟子者二元孫九氏以嘉慶十二年卒享年九十  
三身見五世一堂元超今現年八十氏一女適危  
氏亦八十有六耆壽聚於一門積善餘慶豈非然  
哉

彭氏

庠生楊顯瑜之妻以乾隆十九年歸楊氏越六年  
顯瑜卒遺子德甫晬氏誓欲殉夫翁姑泣諭曰我  
二人風中燭也系且呱呱媳一殞烈烈矣孝慈

孫遇隆甫四歲兩寡相依含藥撫孤遇隆亦籍博  
士弟子署通判朱恂以貞壽女宗旌之蓋姑婦雙  
節也

喻氏

軍功給訓導銜吳型典妻也型典以嘉慶二年領  
鄉勇剿賊洵陽病卒時氏年二十八俯仰無依飢  
寒交迫矢志靡他奉夫禋祀苦節已踰二十餘年

王氏

李嵩年之妻年二十六而夫卒翁老孤時盛甫三  
歲家亦貧以紡績奉舅字孤不致凍餒爲子娶其

堂身無血屬痛不欲生既又念孝養莫供夫祀莫承乃撫伯氏之子詔爲嗣辛勤幹家潔奉滫瀡撫嗣子愛踰所生而督課則嚴詔因以力學致歲薦一門羣從青衿連肩皆教育之力也自乾隆甲午士紳祝七十節壽今又四十餘年矣茲復公舉云

成氏

生員劉振鼎之妻年二十八而夫卒遺子錚九歲紡績資讀錚得列武庠爲娶陳氏數年錚又卒遺孫遇隆甫四歲兩寡相依含藥撫孤遇隆亦籍博



月事翁姑克盡誠敬撫幼子遵行歲均夫兄嫂早  
逝氏撫姪如子清操苦節壹範可風守節五十  
年壽七十四歲

彭氏

軍功彭玉興之女年十四時父素有氣痛之疾一  
月數發痛不可忍醫告不效女乃暗割左股雜藥  
餌以進疾立愈鄰里嘉之

廖氏

羅本正之母夫春芳外出氏孝事翁姑二十年如  
一日婦道而兼子職懿行足式現年八十四歲

兄女生孫可羨甫晬而時盛復亡媳甫二十四歲  
泣謂媳曰未亡人所以含荼茹苦者爲養老恤孤  
也今孫甫咳而吾子又不幸李氏之不絕如綫矣  
柰何媳卽矢志奉姑撫子嘗嘆曰一門雙嫠婦母  
孫僅三人真相依爲命者也氏卒年八十七可羨  
有子四人其母今七十四歲

路氏

庠生劉漢棟之妻夫卒氏年十九歲子大蓄甫九  
月事翁姑克盡誠敬撫幼子遵例成均夫兄嫂早

許氏

已故監生舒運禧之妻也居雙河口嘉慶三年三月間賊張漢潮至攜其二女同侄達才侄孫世興及鄰人黃盛明何元吉何友益避之適遇賊遂被擄賊見二女少艾聲言欲妻之二女佯諾隨之行至魚洞子長女忽投崖死賊方驚顧次女與許氏繼之達才世興黃盛明脅從不屈皆被害元吉友益乘間得脫歸述其狀如此云

張氏



李氏

楊夫白之妻苦節清操課子訓孫親見四代現年七十歲

畢氏

義民舒子賢妻夫卒氏矢志冰霜操持家務教子達政嚴明成立好善樂施隣里稱一鄉之率

楊氏

舒子耀之妻文章達聰之母也課子訓孫克勤克儉節孝兩臻母儀可範

生一女尚未聘嘉慶五年閏四月賊阮正統突至見氏少艾逼令騎從氏曰我良家婦豈從汝耶有死而已強之罵益烈賊怒攢矛刺之死賊退斯壽歸見妻屍猶抱幼女如生時

右自許氏以下共四烈婦二貞女嘉慶十五年通判錢鶴年查明實蹟作傳牒府轉詳撫憲董名教增給碧血如新匾額卽於是年建坊東郊通衢備列姓氏設位入節烈祠

李致言妻事詳致言傳

丁氏

楊朝柱妻朝柱與從兄朝佐同居賊至朝佐以護  
母死賊又脅丁氏從行氏號哭罵詈賊怒殺之并  
殺其二子一女及幼媳何氏楊氏男女死賊難者  
凡六人

蕭氏

儒童王斯壽妻居雲門鋪斯壽從師肄業城中氏  
生一女尚未晬嘉慶五年閏四月賊阮正統突至





卷之八

三



